

## **UGOVOR O KUPOPRODAJI** *poljoprivrednog materijala*

Zaključen dana 28.03.2017. godine u Sarajevu između:

1. **Javna Ustanova Terapijska zajednica – Kampus Kantona Sarajevo** sa sjedištem u Sarajevu, Iznad sela Kešelji bb, koju zastupa direktor Kenan Kestendžić / u daljem tekstu: **Kupac** /  
i
2. Agromarket Murta D.o.o sjedištem u Sarajevu , ulica Rakovička cesta 251, koju zastupa direktor direktor Emir Murtić / u daljem tekstu: **Prodavac** /

### **Član 1.**

Predmet ovoga ugovora je nabavka i isporuka poljoprivrednog materijala (đubriva, folije, zaštitnih preparata ,sjemena i materijala za vezanje sadnica) a na osnovu predračuna broj: 01/2017 od 21.03.2017 godine koja predstavlja sastavni dio ovog ugovora.

### **Član 2.**

Ukupna vrijednost ovog ugovora iznosi **1.755,00 KM** sa uračunatim PDV-om (slovima: hiljadusedamstotinaipedesetipet KM).

### **Član 3.**

Kupac se obavezuje da će izvršiti isplatu ukupnog iznosa, iz člana 2. ovog Ugovora u roku od maksimalno 15 dana od prijema fakture od strane Prodavca, a u skladu sa trezorskim poslovanjem.

Prodavac je saglasan da Kupcu neće zaračunavati zatezne kamate za zakašnjenje pri plaćanju preko „Trezora”, ako je Kupac u ugovorenom roku predao nalog za plaćanje.

### **Član 4.**

Prodavac se obavezuje prodati Kupcu navedenu robu, u skladu sa potrebama Kupca, a sve na osnovu primljene i potvrđene narudžbe Kupca.

Kupac narudžbu potvrđuje narudžbenicom koju dostavlja u originalu poštom; ili elektronskom poštom, putem faksa, a original naknadno poštom; ili lično usmeno, lično telefonski, a original narudžbenicu dostavlja naknadno poštom.

### **Član 5.**

Prodavac se obavezuje isporučiti Kupcu naručenu robu u roku od 7 dana od prijema narudžbenice,

na dogovoreno mjesto i u ispravnom stanju.

#### Član 6.

Dobavljač se obavezuje da će robu koja je predmet ovoga ugovora isporučiti u skladu sa prihvaćenom ponudom.

#### Član 7.

Za kvalitet naručenih i isporučenih roba Prodavac odgovara Kupcu.

Prijem robe Kupac potvrđuje svojim potpisom i pečatom na dostavnom dokumentu.

Ukoliko se po preuzimanju robe utvrde nedostaci vezano za količinu, eventualna oštećenja i kvalitet robe Kupac je dužan odmah izvjestiti Prodavca a najduže u roku od 72 sata po prijemu robe, osim u slučaju vikenda ili praznika, kada se rok produžava na sljedeći prvi radni dan. Kupac je dužan na otpremnom dokumentu navesti vrstu nedostatka, potpisati i ovjeriti pečatom.

U slučaju da Kupac u toku rada primijeti nepravilnosti koje nisu mogle biti uočene vizuelnom kontrolom prilikom prijema robe, dužan je sastaviti zapisnik i o tome obavijestiti PRODAVCA.

#### Član 8.

Naručilac se obavezuje da ukupnu vrijednost ugovorenih roba iz člana 2. ovog Ugovora, isplati na način i roku iz člana 3. ovog Ugovora.

#### Član 9.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se nemogu rješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovorajuća odredba Zakona o obligacionim odnosima.

#### Član 10.

Ugovor je sastavljen u 4 / četiri / istovjetna primjerka, od kojih se ugovornim stranam uručuje po 2 / dva / primjerka.

#### Član 11.

Ovaj ugovor stupa na snagu danom obostranog potpisivanja.

**ZA PRODAVAC:**

DIREKTOR  
Emir Murtić

Broj:

Datum: 28.03.2012

**ZA KUPCA:**

DIREKTOR  
Kenan Kešević

Broj: 35-01-05-11/17

Datum: 30.03.2012